



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, Jesus Passus Per Centuriam  
Modorum Meditandi passionem Salvatoris nostri illustratus; cui  
accesserunt Meditationes In Passionem Domini XLVI. - Juxta numerum  
dierum Quadragesimæ

**Druzbicki, Kaspar**

**Ingolstadii, 1732**

**VD18 90066405**

61. Considerando Passionem Christi secundum proprietates eorum  
Animalium, quibus Christus Passus in Scriptura Sacra comparatur, sive  
appellatur.

**urn:nbn:de:hbz:466:1-45427**

oris nihil erat clamantis ad aperiendum cor „ *Chrysolog.*  
 divitis, totum corpus pauperis vulneribus ape- „ *serm. 121.*  
 rit, ut in admonendo divite, tot essent Paupe „  
 ris ora, quod vulnera, solvuntur viscera, ulcera  
 producuntur, hiatus vulnerum dilatatur, sanies  
 effunditur, & tota Pauperis caro componitur in  
 scenam pietatis, ut quem vox esurientis non  
 moverat, vel suspiria, vel dolores, gemitus, &  
 tota ærumnarum congeries commoveret; sed  
 dives superbo oculo, & insatiabili corde, hæc „  
 omnia & audire, & videre, & sentire contem- „  
 nit. „] Hic apparatus Divinus per Lazarum ul-  
 cerosum ad Epulonem immisericordem expug-  
 nandum, potest procul dubio commodissime  
 parodicè accommodari ad Christi Domini sive  
 tormenta, sive opprobria, sive vulnera, sive  
 mortem, sive instrumenta Passionis, quibus  
 omnibus Dominus noster satagat expugnare  
 animum, tum Æterni Patris, tum corda pecca-  
 torum, tum odia inimicorum, tum amantium in  
 amando & compatiendo, & imitando teporem,  
 tum hominum ingratitude, sterilitatem, ob-  
 livionem. Quæ tamen omnia utinam homines  
 passim audire, videre, sentire, non contem-  
 nant.

MODUS LXI.

SEXAGESIMUS PRIMUS meditandæ Passionis Do-  
 minicæ Modus esse potest, colligere atque  
 expendere eorum animalium proprietates, qui-  
 bus Christus Dominus, præsertim Passus ac  
 Mortuus comparatur in Sacris litteris, ita ut pro-  
 prietatibus illorum explicetur exprimatque,

Aa 4 tam

*Handwritten notes in a cursive script, possibly a library or archival stamp, including the words 'Bibliothek' and 'Paderborn'.*



tam ipsa Christi Passio, quam virtutes ab eo exercita in Passione. Complura sunt ejusmodi; hic satis erit pauca attulisse.

1. *Isa. 53. 7.* Dicitur ergo Christus, Ovis: quæ est pecus lanigera admodumque mansueta, lanâ, & pelle homines vestiens, carne verò pascens, lædere nesciâ, ejus in sacrificiis divinis plurimis erat usus, præcipuè ad pacem hominis cum Deo faciendam, itemque ad purificationem partus: propter hæc omnia Ovis passim in scriptura typum Christi gerebat. Oblatus est enim Dominus noster, & ductus velut Ovis ad occisionem, coram tondente se obmutuit, & non aperuit os suum, ad omnes injurias & plagas, & ad ipsam mortem. Ut Ovis faciliè absque ulla repugnantia tradit accipienti quidquid habet, ita Christus totum se, omniaque sua, etiam Animam ipsam tradidit, & nobis, & pro nobis: Vestivit nos meritis suis, cibavit carne suâ, lavit & purificavit in sanguine suo. Denique vult omnes nos esse velut oves, in hac quidem vita, occisionis & abnegationis, patientiæ, humilitatis & mansuetudinis, obedientiæ, & mutuæ dilectionis. In altera autem illa vita futura, Oves electionis, ab hædis separatas, à dextris judicantis collocatas.

2. *Jer. 11. 19.* Dicitur quoque Christus, Agnus; eâdem fermè, quâ & Ovis similitudine atque proportionem: specialiter Agnus tener est, & ferè anniculus, sine macula, qualis est Christus, qui tollit peccatum, non suum, quo prorsus immunis fuit, sed mundi, pro quo oblatus est velut Agnus mansuetus. Eum figurârunt duo Agni, unus in holocaustum, alter pro peccato offerri solitus. Item alii



alii duo Agni quotidie offerendi, unus manè, alter vespere, Christum significabant, venturum primo adventu ad redimendum, altero ad iudicandum genus humanum. Agno mansuetius nihil, nihil obsequentiùs; injurias non novit, nedum ulciscatur. Et Christo, quis in his conditionibus præstantior? factus obediens Patri usque ad mortem Crucis; cum pateretur non comminabatur, tradebat autem se omni percutienti injustè, pro transgressoribus omnem malitiæ modum in sui nece excedentibus oravit &c. Ad extremum, Agnus Paschalis assus voratus cum festinatione, cum lætucis agrestibus, instar eorum qui sunt viæ accincti, cujus sanguine potestates ostiorum inuncti, arcent interfectorem primogenitorum Ægypti; in quo os non comminuitur, neque quidquam crudum comeditur, aut usque manè relinquitur, manifestè Christum ab universo populo ad Crucem postulatum, & in Cruce suspensum designat.

Dicitur præterea Christus, Columba; quæ felle amara non est; neque morfu, neque unguibus sævit, humana consortia & hospitia diligit. Mundum animal, perspicax, & insidiantes accipitres observans super aquas, atque effugiens, immunda loca abhorrens. Hæc attulit Noëmo, rediens ad arcam sub vesperam, ramum olivæ ore portans: his omnibus Christum designans, pacificatorem, & misericordiæ Paternæ, ad nos aquis diluvioque peccatorum destinatos, ramum deferentem. Hæc nostra Columba vocat altissimè propter divinam sapientiam, atque sanctissimam doctrinam; gemitum habet pro cantu: quia Prædicatio, vita, Passioque & Mors

Aa s

ejus

Dr  
Bick  
er: ar  
om us  
T V  
S 8



*Matth. 4. 17.*  
*Luc. 13. 5.*

ejus ad pœnitentiã vocat, à pœnitentia incipit, in fructibus dignis pœnitentiã perficitur. *Pœnitentiam agite, appropinquavit enim Regnum Dei. Nisi Pœnitentiam egeritis omnes similiter peribitis.* Columba in foraminibus petræ, & in cavernis maceræ, est Christus ex Divinitate & Humanitate compositus. Columba in altissimis nidificans & gemens, est Christus in Cruce pro nobis Patiens, Plorans, satisfaciens.

4.

Dicitur adhuc Christus, Turtur, unde orat: *Ne tradas bestiis animas confitentium tibi,* juxta 70. quod Hieronymus vertit: *Ne tradas bestiis Animam erudientem lege tuâ.* qui est Christus, qui à Deo venit Magister, ut dixit Nicodemus alii autem vertunt. *Ne des congregationi inimicorum, Animam Turturis tuæ.* Hæc Turtur est Christus supplicans Patri in Horto, & in Cruce. Turtur est amica solitudinis: & Christus in desertum ductus est à Spiritu Sancto, eratque cum bestiis, & mansit in desertis locis, & ascendebat in montem solus orare, & dicebat discipulis, *Venite seorsum & requiescite pusillum.* Turtur invenit nidum sibi, ubi reponat pullos suos; Christus in cruce fixus est, in qua omnes redemit, & quasi in nidulo eos parturiens reposuit. Turtur offertur in Sacrificium, Christus oblatus pro salute nostra. Turtur castissima volucrum est; & nos Apostolus despondit uni viro virginem castam exhibere Christo. Turtur Christus, ex quo exivit à Patre, & venit in mundum, nulli unquam viridi ramo felicitatis humanæ infedit, sed in laboribus & ærumnis ab adolescentia sua, immo ab infantia usque in totam vitam vixit.

*Levit. 1. 14.*

Dici-



ncipit  
Peni-  
m Dei  
ribitis  
vernīs  
mani-  
nidifi-  
nobis  
e orat:  
ta 70.  
s Ani-  
ristus,  
demus  
inimi-  
tur est  
Cruce.  
in de-  
e cum  
debat  
pulis,  
urtur  
suos;  
rede-  
osuit.  
blatus  
acrum  
virgi-  
Chri-  
ndum,  
na in-  
escen-  
vitam

Dicitur insuper Christus, Passer: qui invenit domum sibi, scilicet Christus Ecclesiam condidit. Duo Passeres pro emundatione leprosi offerebantur: significabantque Christi, vel Corpus & Animam, vel Divinitatem cum Humanitate. Passer vivus dimittebatur: nam Divinitas Christi nihil passa est; aut certè Anima, quæ cum sit immortalis extincta in Passione non est, sed in manus Patris tradita est, à moriente Christo. Unus ex Passeribus offerebatur in vase fictili super aquas viventes: Christus enim in Corpore nostro de terra formato immolatus, passus, mortuusque est, factus ex muliere, factus sub lege, idque super aquas viventes Misericordiz, & Charitatis, in cujus signum exivit de latere Christi sanguis & aqua: sanguis quidem, quia Justitiæ DEI satisfaciebat: Aqua autem, quia nos à peccatis nostris, gratiâ & miseratione suâ lavabat. Passerculus noster Christus transmigravit in montem, quia de synagoga, quæ alioqui erat domus ejus, avolavit, & sese ad Ecclesiam Gentium transtulit. Idem est Passer solitarius in Tecto: quia solus in Cruce & Passione, & Redemptionis opere; torcular enim (ait) calcavi solus, & de gentibus non erat vir mecum: Denique, Passeris nostri Anima erepta est de laqueo venantium. Venit enim Princeps hujus Mundi, & in me (ait Christus) non habet quidquam. Idem dicit. Quis ex vobis arguet me de peccato? Quid me tentatis hypocritæ? & postremò ait. Pater, in manus tuas commendo Spiritum meum, & inclinato capite emisit Spiritum.

Dicitur etiam Christus, vitulus saginatus; quem

5.  
Ps. 83. 4.  
Levit. 14. 4.

Ps. 10. e.

6.

5.  
Ps. 83. 4.  
Levit. 14. 4.  
Ps. 10. e.



Luc. 15. 23. quem Pater Clementissimus filio prodigo reverenti ad se, jussit adduci, & occidi, conviviumque ex eo apparari. Verè saginatus vitulus Christus, in eo enim inhabitat omnis plenitudo Divinitatis corporaliter. Verè saginatus, quia plenus gratiâ & veritate. Verè saginatus, quia de plenitudine ejus accepimus omnes nos. Idem est vitulus immaculatus, quia Christus peccatum non fecit, & in cruce inimicos nostros ventilavit & expugnavit. Idem est vitulus de Bobus ortus, quia scilicet ex Patriarchis originem duxit. Idem est vitulus nesciens jugum, peccati scilicet proprii, & quia omnia data ei in manus: & quia data est ei omnis potestas in Cœlo & terra. Propterea Christus est vitulus novellus, cornua producens & ungulas, in vitam quàm vixit à Nativitate, usque ad Baptismum Joannis. Vitulus tenerrimus de armento, prædicans jam Evangelium Regni, & Ecclesiam fundans, per doctrinam, virtutumque & miraculorum opera. Est etiam vitulus saginatus atque adeò immolatus in sacrificium pro peccatis nostris, non pro nostris autem tantum, sed etiam pro totius mundi. Hujus ad instar, nos quoque debemus esse vituli novelli, per opportunam conversionem ad Deum, condignosque conversione hac effectus. Vituli de armento esse debemus, per Profectum in obsequio Dei, ut procedamus de virtute in virtutem. Denique vituli saginati esse tenemur, per consummatam virtutem, completamque pro statu hujus vitæ perfectionem, Charitatis in Deum & proximum plenitudinem, atque pinguedinem. Atque hos vitulos immolare debemus Deo nostro, super-

que alt  
extrem  
qui in  
funditu  
fructu  
ponunt  
caustum  
offert e  
ejus, ut  
ciens.

Domin

sunt.

tracta p

vulla co

sent; c

qui mo

dedim

autem

ga nos

bisque

nem ne

Di

de iplo

autem s

Christu

tacta vi

iam die

quantu

trem ta

non ho

nis, qu

fuit no

mus JE

fuit co

que



que altare ejus imponere, ut dicitur Psal. 50. Ad extremum Dominus JESUS noster vitulus est, qui immolatur coram Domino; & sanguis ejus funditur per altaris circuitum, & pelle detracta in frustra conciditur, & super altare membra ejus componuntur, atque supposito igne comburuntur in holocaustum, & suavem odorem Domino; qui autem offert eum Domino, ponit manum suam super caput ejus, ut sit placabilis atque in expiationem ejus proficiens. Hæc enim omnia pœnè ad litteram in Domino nostro per Passionem ejus completa sunt. Certè ita Caro ejus conscissa fuit, ut detracta pellis videri, membraque ad invicem divulla conspici, ossaque dinumerari omnia possent; cujus Capiti omnes manum imposuimus, qui morti illius omnes per nostra peccata causam dedimus. Hæc hostia igne odii hostilis, magis autem incendio propriæ suæ, ejusque nimis erga nos charitatis supposito, absumpta est: nobisque placatum Patrem reddidit, & in expiationem nostram profecit.

Dicitur quoque Christus, vermis. Ita enim de ipso in Persona ipsius Propheta loquitur. *Ego autem sum vermis & non homo.* Vermis est enim Christus, propter nascendi similitudinem ex intacta virgine, sine ullius consortio. Unde etiam dicitur vermis, & non homo; quia etsi quantum ad Matrem homo sit, quantum ad Patrem tamen, homo non est. Vel certè dicitur non homo, propter negationem veteris hominis, qualis non fuit Christus homo; siquidem fuit novus homo. Quamquam autem Dominus JESUS per totam vitam suam quasi vermis fuit contemptibilis valde, & cujus rationem ac pre-

Levit. 1. 5.

7.  
Ps. 21. 7.

Dr  
Bick  
er: as  
omnis  
J  
V  
8



pretium vix aliquis unquam habuerit; maxime tamen in Passione sua vermis esse visus est, & vermis conditionem habuisse. An non velut vermiculus per terram serpebat, quando non positus tantum genibus, sed etiam in faciem suam prostratus, Aeterno Patri humillime supplicabat? An non vermis instar fuit, quando captus à licetoribus & ministris, ligatusque funibus & catenis per terram ab horto usque ad urbem, usque ad Palatia Annæ & Caiphæ tractus raptatusque est? An non vermis fuit, quando per vias Jerusalem à Caipha ad Pilatum, à Pilato ad Herodem, ab hoc rursus ad Pilatum, non tam incesit, quam repit, & violenter raptus tractusque est? Non fuit vermis, quando flagellatione immani contritus est? Non vermis quoque fuit, quando illusoriâ simulque dolorosâ coronâ, purpurâ, arundineo sceptro, adoratione scurrili, totus ab homine demutatus, ipsi etiam Pilato visus est, adè ut eum populo ostentandum, & *Ecce Homo*, quasi minimè Homo esset, appellandum duxerit? Nonne tanquam vermis reptavit cum pondere Crucis in Montem Calvarium? Non vermis fuit quando Cruci admensus, & illi affixus est? Non vermis instar in Cruce suspensus, & veluti serpens Mosaicus elevatus est? Christus fuit ille tenerrimus ligni vermiculus, qui sexcentos interfecit impetu uno: quia omnes hostes Patris & suos & nostros debellavit. Christus fuit ille vermis, qui Jonæ umbram, legem scilicet Mosaicam veterem, umbram legis novæ destruxit. Christus fuit vermis Jacob, specie quidem apud omnes contemptibilis, sed virtute & potentiâ admirabilis: qui un-

versam  
stus fu  
virgin  
que C  
vermis  
nemo  
apud  
nihil fu  
nemo  
sione t  
scelere  
si de me  
vel sent  
de dice  
Nomen  
in Deo  
omnin  
lebant,  
mansit  
vermis  
mis us  
torquet  
fuit,  
Christi  
stodiri  
bant,  
ille & c  
monun  
tunc m  
Sec  
Christi  
cris lite  
sufficie



versam terram repleverit doctrinâ suâ. Christus fuit vermis de Manna genitus; vel quia ex virgine, vel quia ex synagoga natus est. Denique Christus vermis fuit, quia sicut contritionem vermis nemo metuit, nemo sentit, nemo dolet, nemo advertit, nemo vindicat; ita Christus apud suos hostes, & Crucifixores, usque adeò nihil fuit, ut morte ejus nemo commoveretur, nemo eam sentiret, nemo ejus damno & amissione tristaretur, sed potius exultârunt omnes in scelere suo, & in contritione Christi, perinde, ac si deinceps nullus superfuturus esset, mortis ejus, vel sensus, vel luctus, vel ultor, vel memor. Unde dicebant, Eradamus eum de terra viventium. Nomen ejus non memoretur amplius: confidit in Deo, liberet nunc si vult eum. Attamen secus omnino cecidit Judæis quàm putabant, vel volebant, Christus enim vermis factus est, & remansit Judæis usque in hodiernam diem: qui vermis eorum non morietur unquam, qui vermis usque hodie conscientias eorum rodit & torquet, & torquebit in æternum. Quid illud fuit, quòd Judæi sequenti mane post necem Christi adierunt Pilatum petentes, ut juberet custodiri sepulchrum? quid est illud, quòd dicebant, Domine recordati sumus quia seductor ille &c. Quid est, quòd signaverunt lapidem monumenti, cum custodibus? Nonne jam tunc mordebit eos vermis Christus?

Sed de his nunc satis; plura ejusmodi Christi Passionis symbola, promptum est ex facris literis derivare: ista in specimen adduxisse sufficiet.

MODUS

Dr  
Gick  
er: 280  
omus  
V  
8